

四庫全書

史部

欽定四庫全書

大唐開元禮卷二十二

唐 蕭嵩等 撰

吉禮

皇帝臘日蜡百神於南郊

齋戒

陳設

鑾駕出宮

奠玉帛

進熟

鑾駕還宮

齋戒

欽定四庫全書

大易開元禮  
卷二十二

先期五日皇帝散齋三日致齋二日如圜丘之儀凡

預祀之官散齋三日致齋二日

散齋皆於正寢致齋一日於本司一日於祀所

其無本司者皆於祀所

近侍之官應從升者及從祀羣官諸方客

使各於本司及公館俱清齋一宿

無本司者各於正寢

凡散齋理

事如舊惟不弔喪問疾不作樂不判署刑殺文書不行

刑罰不預穢惡致齋惟祀事得行其餘悉斷其祀官已

齋而闕者通攝行事光祿卿監取明水火

太官令取水於陰鑑取水

於陽燧火以供鑿水以實樽

前蜡一日諸衛令其屬未後一刻各以

其方器服守衛墻門與太樂工人俱清齋一宿

陳設

前蜡三日尚舍直長施大次於外墻東門之內道北南

向尚舍奉御鋪御座衛尉設陳饌幔於內墻東門之

外道東西向

東方南方之饌陳於東門外西方之饌陳於西門外北方之饌陳於北

門之外

設文武侍臣次又設祀官及從祀羣官諸州使人

蕃客等次前蜡二日太樂令設歌鐘歌磬皆如圜丘之

儀右校掃除壇之內外郊社令積柴於燎壇

其壇於神壇之左內

欽定四庫全書

大唐開元禮  
卷二十二

三

壇之方八尺高一丈開上南出戶方三尺右校又為瘞竭

於壇之壬地內壇之外方深足容物南出陛前蜡一日奉  
禮設御位及望燎位祀官從祀羣官諸州使人蕃客等位  
於壇門外皆如園丘之儀設日月酒樽之位大明太樽  
二著樽二山罍一在壇上於東南隅北向夜明太樽二  
著樽二山罍一在壇上西南隅北向神農氏伊耆氏各  
著樽二各於其壇上五星五官后稷各象樽二七宿田  
畯龍麟朱鳥鸛虞玄武各壺樽二鱗羽羸毛介等散樽

二俱設於神座之左而右向五方嶽鎮海瀆俱山樽二山川林澤俱蜃樽二丘陵墳衍原隰井泉墉坊郵表畷於菟猫等俱散樽二各設於神座之右而左向

伊耆氏以上之

樽置於玷星辰以下之樽俱藉以席皆加勺罍設爵於樽下

設御洗於壇南陞東南

亞獻之洗又於東南俱北向罍水在洗東篚在洗西南

肆

篚實以中爵

設方獻罍洗篚罍各於其方陞道之左右俱

內向執樽罍篚罍者各於樽罍篚罍之後各設玉幣之篚於壇上下樽玷之所晡後謁者引光祿卿詣厨視濯漑

又謁者引諸祀官詣厨省饌具訖還齋所蜡日未明十五刻太官令帥宰人以鷹刀割牲祝史以豆取毛血置於

饌所遂烹牲

日青牲一月白牲一其餘方各少牢一

未明五刻太史令郊

社令升設日月神座於壇上大明於北方少東夜明於大明之西俱南向席皆以藁鞞神農氏伊耆氏神座各於其壇上俱內向設后稷神座於壇東西向設五官田畯之座各於其方設五星十二次二十八宿五岳四鎮四海四瀆五方山川林澤丘陵墳衍原隰井泉神座各於其方之

壇其五方神獸鱗羽羸毛介水壙坊郵表啜於菟猫等之  
座各於其方壇之後俱內向相對爲首自神農氏伊耆氏  
以下一百九十坐席皆以莞設神位各於坐首

鑾駕出宮如園丘之儀

奠玉帛

蜡日未明三刻諸祀官各服其服郊社令良醞令各帥其屬

入實樽罌玉幣

凡尊之次太尊爲上實以醴齊著尊次之實以  
盎齊神農伊耆氏之著尊實以盎齊五尾三辰

五官后稷之象樽實以醴齊七宿田畯之壺尊實以沈齊五方  
岳鎮海瀆之山尊實以醴齊山川林澤之僦尊實以沈齊丘陵



以下之散尊實以清酒玄酒各實於諸坐之上尊禮神之玉大明夜明俱以圭璧大明之幣以青夜明之幣以白神農氏幣以赤伊耆氏幣以玄五星

太官令帥進饌者實諸籩豆簠簋

以下之幣各從方色各設於內壝之外饌幔內未明二刻奉禮帥贊者先入就位

贊引引御史諸太祝及令史祝史與執樽罍篚幕者入

自東門當壇南重行北面西上

凡引導者每曲一邊巡

立定奉禮曰

再拜贊者承傳

凡奉禮有詞贊者皆承傳

御史以下皆再拜訖執樽者升

自東陞立於樽所壇下執樽罍篚幕者各就位贊引引御

史諸太祝詣壇東陞升行埽除於上令史祝史行埽除於

下訖降就位駕將至謁者贊引各祀官通事舍人分引  
從祀羣官諸方客使先至者俱就門外位駕至大次門  
外迴輅南向千牛將軍降立於輅右侍中進當轡駕前  
跪奏稱侍中臣某言請降輅俯伏興還侍位皇帝降輅  
之大次織扇華蓋侍衛如常儀太樂令帥工人二舞次  
入就位文舞入陳於懸內武舞立於懸南道西謁者引司  
空入就位立定奉禮曰再拜司空再拜訖謁者引司空  
詣壇東陞升行埽除於上降行樂懸於下訖引復位皇帝

停大次半刻頃謁者贊引各祀官通事舍人分引從祀羣

官介公卿公諸方客使先入就本位太常博士引太常

卿立於大次門外當門北向侍中版奏外辦皇帝服玄

冕出次華蓋侍衛如常儀

侍中負寶  
陪從如式

博士引太常卿太

常卿引皇帝

凡太常卿前導  
皆博士先引

至內壝門外殿中監進大

圭尚衣奉御以鎮圭授殿中監殿中監受進皇帝搢大

圭執鎮圭華蓋仗衛停於門外近侍者從入如常謁者

引禮部尚書太常少卿陪從如常皇帝至版位西向立

每立

定太常卿與博士退立於左

謁者贊引各引祀官以次入就位立定

太常卿奏稱請再拜退復位皇帝再拜奉禮曰衆官再

拜衆官在位者皆再拜

其先拜者不拜

太常卿前奏有司謹具

請行事退復位協律郎跪俛伏舉麾

凡取物者皆俛伏而取以興奠物則

奠訖俛伏而後興也

鼓祝樂作無射夷則奏永和蕤賓姑洗太簇

奏順和黃鍾奏豫和凡六均均一成俱以文舞之舞

偃麾戛敔樂止

凡樂皆協律郎舉麾工鼓祝而後作偃麾戛敔而後止

太常卿前

奏稱請再拜退復位皇帝再拜奉禮曰衆官再拜衆官

在位者皆再拜上下諸太祝俱取玉幣於篚各立於樽

所太常卿引皇帝太和之樂作

皇帝每行皆作太和之樂

皇帝詣壇

升自南陛侍中中書令以下及左右侍衛量人從升

以下

皆如之

皇帝升壇北向立樂止太祝以玉幣授侍中侍中

奉玉幣東向進皇帝搢鎮圭受玉幣

凡受物皆搢鎮圭奠訖執圭俛伏興

登歌作肅和之樂乃以大吕之均太常卿引皇帝進北

面跪奠於大明神座俛伏興太常卿引皇帝少退北向

再拜訖太常卿引皇帝少西北向立又太祝以玉幣授

侍中侍中奉幣東向進皇帝受幣太常卿引皇帝跪奠  
於夜明神座俛伏興太常卿引皇帝少退北向再拜訖  
登歌止太常卿引皇帝樂作皇帝降自南陛還版位西  
向立樂止皇帝初奠夜明幣諸祝各奉其幣進跪奠於  
神座還樽所初羣官拜訖祝史各奉毛血之豆立於門  
外於登歌止祝史奉毛血入俱由南陛升諸太祝迎取  
於壇上俱進奠於神座前諸太祝與祝史退立於樽所

進熟

皇帝既升奠玉幣太官令出帥進饌者奉饌陳於內墻門外謁者引司徒出詣饌所司徒奉大明之俎初皇帝既至版位樂止太官令引饌入俎初入門雍和之樂作饌至陞樂止祝史皆進跪徹毛血之豆降自東陞以出饌升諸太祝迎引於壇上各設於神座前遠豆蓋羃先徹乃升簋簠既奠却其蓋於下設訖謁者引司徒以下降自東陞復位太祝各還樽所又進設神農氏以下之饌相次而畢初壇上設饌訖太常卿引皇帝詣罍洗樂作皇帝至罍洗樂止

侍中跪取匱興沃水又侍中跪取盤興承水皇帝盥手  
黃門侍郎跪取巾於匱興進皇帝悅手黃門侍郎受  
巾跪奠於匱黃門侍郎又取匏爵於匱興進皇帝受爵  
侍中酌蠶水又侍中奉盤興承水皇帝洗爵黃門侍郎  
又授巾皆如常儀皇帝拭爵訖侍中奠盤匱黃門侍郎  
受巾奠於匱皆如常儀太常卿引皇帝樂作皇帝詣壇  
中升自南陛樂止謁者引司徒升自東陛立於樽所齋  
卽奉俎從升立於司徒之後太常卿引皇帝大明酒樽



所執樽者舉翬侍中贊酌醴齊訖壽和之樂作

皇帝每酌獻及飲福

皆作壽和之樂

太常卿引皇帝進大明神座前北向跪奠爵俛

伏興太常卿引皇帝少退北向立樂止太祝持版進於

神座之左西面跪讀祝文曰維某年歲次月朔日子嗣

天子臣某敢昭告於大明惟神晷耀千里精烜萬物覺

寤黎烝化成品彙今璇璣齊運玉燭和平六府孔循百

禮斯洽謹以玉帛犧齊粢盛庶品致其燔燎尚饗訖興

皇帝再拜初讀祝文訖樂作太祝進跪奠版於神座興

還樽所皇帝拜訖樂止太常卿引皇帝夜明酒樽所執樽者舉翬侍中取匏爵於坫進皇帝受爵侍中贊酌醴齊訖樂作太常卿引皇帝進夜明神座前北面跪奠爵俛伏興太常卿引皇帝少退北向立樂止太祝持版進於神座之右東面跪讀祝文曰維某年歲次月朔日子嗣天子臣某敢昭告於夜明惟神貞此光華恒茲盈戒表斯寒暑節以運行對時育物登成是賴豐年之報式備恒禮謹以制幣犧齊粢盛庶品致其燔燎尚饗訖興

皇帝再拜初讀祝文訖樂作太祝進跪奠版於神座興還  
樽所皇帝拜訖樂止太常卿引皇帝少東當兩坐間北向  
立樂作太祝各以爵酌上疊福酒合置一爵一太祝持  
授侍中侍中受爵西向進皇帝再拜受爵訖跪祭酒啐  
酒奠爵俛伏興太祝帥齋郎進俎太祝減神前胙肉加  
於俎以胙肉共置一俎上太祝持俎以授司徒司徒  
奉俎西向進皇帝受以授左右謁者引司徒降復位皇  
帝跪取爵遂飲卒爵侍中進受爵以授太祝太祝受爵

復於圜皇帝俛伏興再拜樂止太常卿引皇帝太和之  
樂作皇帝降自南陛還版位西向立樂止文舞出鼓祝  
作舒和之樂出訖戛敔樂止武舞入鼓祝作舒和之樂  
立定戛敔樂止皇帝獻將畢謁者引太尉詣罍洗盥手  
洗匏爵訖謁者引太尉自東陞升壇詣大明著樽所執  
樽者舉罍太尉酌盞齊武舞作謁者引太尉進大明神  
座前北向跪奠爵興謁者引太尉少退再拜謁者引太  
尉詣夜明酒樽所取匏爵於圜執樽者舉罍太尉酌盞

齊謁者引太尉進夜明神座前北向跪奠爵興謁者引  
太尉少退再拜謁者引太尉少東當兩坐間北向立太  
祝各以爵酌罍福酒合置一爵一太祝持爵進太尉之  
右西向立太尉再拜受爵跪祭酒遂飲卒爵太祝進受  
爵復於坫太尉興再拜謁者引太尉降復位初太尉獻  
將畢謁者引光祿卿詣罍洗盥手洗匏爵升酌盎齊終獻  
如亞獻之儀訖初亞獻升壇謁者二人引獻官詣罍洗  
盥手洗爵酌酒一獻帝伊耆氏一獻神農氏跪奠爵神坐

前俛伏興向神座立太祝持版進於神座之右跪讀祝文訖興獻官再拜訖謁者引降還本位初伊耆氏獻官將升訖謁者五人各引獻官詣方獻壘洗手洗爵詣酒樽所酌酒一獻歲星一獻熒惑一獻鎮星一獻太白一獻辰星各奠於神座少退向神座立於獻官奠訖七宿皆祝史助奠相次俱畢太祝各持版進於神座之右跪讀祝文訖興

凡讀祝文每一番獻酒從東方祝文為始讀訖次南方次西方次北方餘神

亦同獻官再拜諸太祝各進奠版於神座還樽所謁者遂

引五方獻官各詣罍洗盥手洗爵各詣酒樽所酌酒一獻東岳一獻南岳一獻中岳一獻西岳一獻北岳俱奠於神座少退向神座立岳鎮海瀆山林川澤丘陵墳衍原隰井泉皆祝史助奠相次俱畢太祝持版進神座之右跪讀祝文訖興獻官再拜訖太祝奠版於神座還樽所謁者各引獻官還本位初岳鎮奠酒贊引五人各引獻官詣罍洗盥洗各詣酒樽所酌酒一獻勾芒氏一獻祝融氏一獻后土氏一獻蓐收氏一獻玄冥氏后稷田

暖等各祝史助奠訖祝史持版進神座之右跪讀祝文

訖興

餘與東方同  
惟無后稷

獻官拜訖祝史奠版於神座贊引遂

引五官獻官等詣罍洗盥洗詣酒樽所酌酒分獻五靈

其鱗羽毛羸介貓於菟坊水墉昆蟲等皆齋郎助奠相

次而畢祝史持版跪讀祝文訖興獻官拜訖奠版各還

本位武舞六成樂止舞獻俱畢上下諸祝各進徹豆還

樽所

徹者籩豆各一  
少移於故處

奉禮曰賜胙贊者唱衆官再拜衆

官在位者皆再拜

已飲福受胙者不拜

豫和之樂作太常卿前



奏稱請再拜退復位皇帝再拜奉禮曰衆官再拜衆官  
在位者皆再拜樂一成止太常卿前奏請就望燎位太  
常卿引皇帝樂作皇帝就望燎位南向立樂止於羣官  
將拜上下諸祝各執篚進神座前跪取玉幣祝版齋郎  
以俎載牲體黍稷飯爵酒興各由其陞降壇南行經懸  
內當柴壇南東行自南陞登柴壇以玉幣饌物祝版置  
於柴上戶內諸祝以星辰七宿以上之禮幣皆從燎神  
農氏伊耆氏岳鎮以下諸祝俱詣瘞埴以玉幣饌物置

於埽訖奉禮曰可燎東西面各六人以炬燎初唱可燎  
瘞埽東西廂各四人寘上火半柴太常卿前奏禮畢太  
常卿引皇帝還大次樂作皇帝出中壝門殿中監前受  
鎮圭以授尚衣奉御殿中監又前受大圭華蓋侍衛如  
常儀皇帝入次樂止謁者贊引各引祀官通事舍人分  
引從祀羣官諸國客使以次出贊引引御史以下俱復  
執事位立定奉禮曰再拜御史以下皆再拜贊引引出  
工人二舞以次出其神農以下祝版燔於齋所 帝伊

耆氏祝文曰維某年歲次月朔日子嗣開元神武皇帝  
諱謹遣具位臣姓名敢昭告於帝伊耆氏惟帝體仁尚  
義崇本念功爰創嘉祀息農饗物今九土攸宜百穀豐  
稔備茲八蜡大旅四方謹以制幣犧齊粢盛庶品明薦  
於帝尚饗 帝神農氏祝文曰維某年歲次月朔日  
子嗣開元神武皇帝諱謹遣具位臣姓名敢昭告於帝  
神農氏惟帝肇興播植粒此黎元今時和歲稔神功  
是賴謹以制幣犧齊粢盛庶品明薦於帝尚饗 東

方歲星祝文曰維某年歲次月朔日子嗣天子諱謹遣  
具位臣姓名敢昭告於東方歲星七宿惟神列位垂象  
叶贊穹蒼昭晰羣生阜蕃庶類今時和歲稔恒禮是率  
式陳嘉薦庶神饗之

南方中央西方  
北方並准此

東方岳鎮海瀆祝

文曰維某年歲次月朔日子嗣天子諱謹遣具位臣姓  
名敢昭告於東方岳鎮海瀆惟神宣導坤儀興降雲雨  
亭育庶品實賴滋液年穀順成用通大蜡謹薦嘉祀溥  
被一方山川林澤丘陵墳衍原隰井泉庶神咸享

南方  
西方

北方勾芒氏祝文曰維某年歲次月朔日子嗣開元神武  
准此

皇帝諱謹遣具位臣姓名敢昭告於勾芒氏惟神贊陽  
出滯發生品物萌者畢達仁德以宣用陳明薦神其臨  
饗后稷氏祝文曰維某年歲次月朔日子嗣開元神武皇  
帝諱謹遣具位臣姓名敢昭告於后稷氏惟神誕降嘉  
種播茲五穀烝庶以粒乂此萬邦爰及田畯實勸農穡  
謹薦明祀庶神饗之 祝融氏祝文曰維某年歲次月朔  
日子嗣開元神武皇帝諱謹遣具位臣姓名敢昭告於祝

融氏惟神典司火正淳曜昭明式贊南訛厥功以致豐  
年之薦庶神臨饗后土氏祝文曰維某年歲次月朔日子  
嗣開元神武皇帝諱謹遣具位臣姓名敢昭告於后土  
氏惟神式贊黃道典司土正居中執信是興稼穡年穀  
既登庶饗嘉薦蓐收氏祝文曰維某年歲次月朔日子嗣開  
元神武皇帝諱謹遣具位臣姓名敢昭告於蓐收氏惟  
神典司金正式贊西成執矩懷莊尚義趨力豐年之報  
饗茲嘉祀玄冥氏祝文曰維某年歲次月朔日子嗣開元神

武皇帝諱謹遣具位臣姓名敢昭告於玄冥氏惟神典  
司水正贊序幽都厥務安寧積藏斯至豐年之祀庶饗  
明薦 蒼龍祝文曰維某年歲次月朔日子嗣天子諱謹  
遣具位臣姓名敢昭告於蒼龍之神惟神體備幽明質  
兼小大實為鱗長贊時造物歲稔年登實資弭患式陳  
嘉薦百靈是屬爰集東方鱗羽羸毛介衆族猶於菟坊  
水墉昆蟲諸神咸饗

其朱雀騶虞玄武祝文首尾  
並與此同麟祝文發首同此 朱雀

之神惟神肇自火精冠茲羽族輔時宣化効祥蹈禮年

和歲稔有賴厥功麟之神惟神體信為質惟和是歸作  
長毛宗表靈玉牒年穀豐稔實資宣助式陳嘉薦庶神  
臨饗駟虞之神惟神性履至仁稟靈金宿贊育生類實  
參利物爰茲報功用率恆祀玄武之神惟神誕稟辰精  
長茲介族先知稱貴誠行攸底伊此豐年有憑宜慶

鑾駕還宮如園丘之儀



大唐開元禮卷二十二

# 欽定四庫全書

史部

大唐開元禮卷

二十三至  
三十

詳校官編修<sub>臣</sub>曹錫齡

編修<sub>臣</sub>程嘉謨覆勘

總校官編修<sub>臣</sub>王燕緒

校對官中書<sub>臣</sub>吳俊

謄錄監生<sub>臣</sub>周克鵬

欽定四庫全書

大唐開元禮卷二十三

唐 蕭嵩等 撰

吉禮

臘日蜡百神於南郊有司攝事

齋戒

陳設

奠玉帛

進熟

齋戒

凡預祀之官散齋三日致齋二日

散齋皆於正寢致齋一日於本司一日於

祀所其無本司者皆於祀所

凡散齋理事如舊惟不弔喪問疾不作

樂不判署刑殺文書不行刑罰不預穢惡致齋惟祀事

得行其餘悉斷其祀官已齋而闕者通攝行事光祿卿

監取明水火

太官令取水於陰鑒取火於陽燧其火以供爨水以注之酒尊

前蜡一日

諸衛令其屬未後一刻各以其方器服守衛墻門與太

樂工人俱清齋一宿

陳設

前蜡三日衛尉設祀官公卿以下次於東墻之外道南

北西向上陳設饌幔於內壝東門西門之外道東西向  
東方南方之饌陳於東門外西南方及西方  
之饌陳於西門外北方之饌陳於北門外 前蜡二日

太樂令設宮懸之樂於壇南內壝之外東方西方磬簠  
起北鐘簠次之南方北方磬簠起西鐘簠次之設十二  
鐃鐘於北懸之間各依辰位樹雷鼓於北懸之內道之  
左右植建鼓於西隅置祝敔於懸內

祝在左  
敔在右

設歌鐘歌

磬於壇上近南北向磬簠在西鐘簠在東其匏竹者立  
於壇下重行北向相對為首

凡懸皆展  
而編之

諸工人各位於

懸後東方西方以北為上南方北方以西為上右校掃

除壇之内外郊社令積柴於燎壇

其壇於神壇之左内壇之外

方八

尺高一丈開上南出戶方三尺右校又為瘞瘠於壇之

壬地内壝之外方深取足容物南出陛前蜡二日奉禮

設祀官公卿位於内壝東門之外道南西向分獻之官

於公卿之南執事者陪其後每等異位俱重行西面以

北為上設望燎位當柴壇之北南向設御史位於壇上

一位於東南隅西向一位於西南隅東向令史各陪其

後於壇下設奉禮位於樂懸東北贊者二人在南差退俱  
西向又設奉禮贊者位於燎壇東北西面北上設協律郎  
位於壇上北陛之西東向設太樂令位于北懸之間當壇  
北向設祀官公卿以下門外位皆於東墻之外道南每等  
異位重行北面以西爲上設日月酒樽之位大明太樽二  
著樽二山罍一在壇上東南隅北向夜明太樽二著樽二  
山罍一在壇上於西南隅北向神農氏伊耆氏各著樽二  
於其壇上五星五官后稷各象樽二七宿田畯龍麟朱鳥

騶虞玄武等各壺樽二鱗羽羸毛介等散樽二俱設於神

座之左而右向五方岳鎮海瀆俱山樽二山川林澤俱蜃

樽二丘陵墳衍原隰井泉水墉坊郵表啜於菟猫等俱散

樽二各設於神座之右而左向

伊耆氏以上之尊置於坫星以下尊俱藉以席皆加勺羶

設爵於尊下

設洗於壇南北向罍水在洗東篚在洗西南肆

篚實以巾

爵

設方獻罍洗篚羶各於其方陞道之左右俱內向執樽

罍篚羶者各於樽罍篚羶之後各設玉幣之篚於壇之上

下樽坫之所晡後謁者引光祿卿詣廚視濯漑又謁者引



諸祀官詣厨省饌具訖俱還齋所蜡日未明十五刻太官令帥宰人以鷹刀割牲祝以豆取毛血置於饌所遂

烹牲

日青牲一月白牲一其餘方各少牢一

未明五刻太史令郊社令升設日

月神座於壇上大明於北方少東夜明於大明之西俱南向席皆以藁秸神農氏伊耆氏神座各於其壇上俱內向設后稷氏神座於壇東西向設五官田畯之坐各於其方設五星十二次二十八宿五岳四鎮四海四瀆五方山川林澤丘陵墳衍原隰井泉神座各於其方之

壇其五方神獸鱗羽羸毛介水壙坊郵表畷於菟獬等之座各於其方壇之後俱內向相對爲首自神農伊耆以下凡一百八十七座其席皆以莞設神位各於坐首

奠玉帛

蜡日未明三刻諸祀官各服其服郊社令良醞令各率

其屬入實樽罍玉幣

凡尊之次太尊爲上實以醴齊著尊次之實以盎齊神農伊耆之著

尊實以盎齊五星三辰五官后稷之象尊實以醴齊七宿田畷之壺尊俱實以沈齊五方岳鎮海瀆之山尊實以醴齊山川林澤之蜃尊實以沈齊丘陵以下之散尊實以清酒玄酒各實於諸坐上尊禮神之玉大明夜明俱以

圭璧大明之幣以青夜明之幣以白神農氏之幣以赤伊耆氏之幣以玄五星以下之幣各從其方色太

官令帥進饌者實諸邊豆簠簋各設於內墻之外饌幔

內未明二刻奉禮率贊者先入就位贊引引御史博士

諸太祝及令史祝史與執樽壘篚罍者入自東門當壇

南重行北面西上

凡引導者每曲一逡巡

立定奉禮曰再拜贊者

承傳

凡奉禮有詞贊者皆承傳

御史以下皆再拜訖執樽者升自東

陛立於樽所壇下執樽壘篚罍者各就位贊引引御史

博士諸太祝詣壇東陛升行掃除於上令史祝史行掃

除於下訖引就位未明一刻太樂令帥工人二舞次入就位文舞入陳於懸內武舞立於懸南道西謁者引司空入就位立定奉禮曰再拜司空再拜訖謁者引司空詣壇東陞升行掃除於上降行樂懸於下訖引還本位初司空入謁者引祀官贊引引執事者俱就壇外位司空行掃除訖謁者贊引各引祀官次入就位立定奉禮曰衆官再拜衆官在位者皆再拜其先拜者不拜謁者進太尉之左白有司謹具請行事退復位協律郎跪俛伏舉麾

凡取物者皆俛伏而取以興奠物則奠訖俛伏而後興

鼓祝樂作無射夷則奏永

和蕤賓姑洗太簇奏順和黃鍾奏豫和凡六均均一成

俱以文舞之舞偃麾戛鼓樂止

凡樂皆協律郎舉麾工鼓祝而後作偃麾

憂敵而後止

奉禮曰衆官再拜在位衆官皆再拜上下諸太

祝俱取玉幣於筐各立於樽所謁者引太尉詣南陛升壇北向立太祝加玉於幣東向授太尉太尉受玉幣登歌作肅和之樂乃以大吕之均謁者引太尉進北面跪奠於大明神坐興謁者引太尉少退北向再拜謁者引

太尉詣夜明神坐前北向立太祝奉玉幣東向授太尉  
太尉受玉幣謁者引太尉跪奠玉幣於夜明神坐興謁  
者引太尉少退北向再拜訖登歌止謁者引太尉降自  
南陛還本位初壇上奠玉帛訖伊耆氏以下諸太祝各  
奉其幣進奠於神坐還樽所初衆官拜訖祝史各奉毛  
血入各由南陛升諸太祝迎取於壇上俱進奠於神坐  
前諸太祝與祝史退立於樽所

進熟

太尉既升奠玉幣太官令出帥進饌者奉饌各陳於內

壇門外謁者引司徒出詣饌所司徒奉大明之俎諸太

祝既奠毛血太官令引饌入俎初入門雍和之樂作以

黃鍾之均

自後酌獻皆奏雍和之樂

饌至陞樂止祝史俱升徹毛血

之豆降自東陞以出饌升諸太祝迎引於壇上各設於

神坐前

籩豆蓋罍先徹乃升籩簋既奠却其蓋於下

設訖謁者引司徒太官

令帥進饌者降自東陞以出諸太祝各還樽所又進設

神農氏以下之饌相次而畢初壇上設饌訖謁者引太尉升

欽定四庫全書

大唐開元禮  
卷二十三

七

自南陞詣大明酒樽所執樽者舉罍太尉酌醴齊訖樂作謁者引太尉進大明神坐前北向跪奠爵興謁者引太尉少退北向立樂止太祝持版進神坐之左西向跪讀祝文曰維某年歲次月朔日子嗣天子臣某謹遣具位臣姓名敢昭告於大明惟神晷耀千里精烜萬物覺寤黎烝化成品彙今璇璣齊運玉燭和平六府孔修百禮斯洽謹以玉帛犧齊粢盛庶品致其燔燎尚饗訖興太尉再拜初讀祝文訖樂作太祝進奠版於神坐還樽



所太尉拜訖樂止謁者引太尉詣夜明酒樽所取匏爵  
於坵執樽者舉罍太尉酌醴齊訖樂作謁者引太尉進  
詣夜明神坐前北向跪奠爵興謁者引太尉少退北向  
立樂止太祝持版進神坐之右東面跪讀祝文曰維某  
年歲次月朔日子嗣天子臣某謹遣具位臣姓名敢昭  
告於夜明惟神貞此光華恒茲盈減表斯寒暑節以運  
行對時育物登成是賴豐年之報式備恒禮謹以制幣  
犧齊粢盛庶品致其燔燎尚饗訖興太尉再拜初讀

祝文訖樂作太祝進奠版於神坐前還樽所太尉再拜  
訖樂止謁者引太尉少東當兩坐間北向立太祝各以  
爵酌鬯福酒合置一爵一太祝持爵進太尉之右西向  
立太尉再拜受爵跪祭酒啐酒奠爵興太祝各帥齋郎  
進俎太祝臧神前胙肉於俎以胙肉共置一俎上太  
祝持俎西向授太尉太尉受以授齋郎太尉跪取爵  
遂飲卒爵太祝進受爵復於坫太尉興再拜謁者引太  
尉降復位文舞出鼓祝作舒和之樂出訖戛敔樂止武

舞入鼓祝作舒和之樂立定戛敵樂止初太尉獻將畢  
謁者引太常卿詣壘洗手洗匏爵謁者引太常卿自  
東陞升壇詣大明酒樽所執樽者舉冪太常卿酌盞齊  
武舞作謁者引太常卿進大明神坐前北向跪奠爵興  
謁者引太常卿少退再拜謁者引太常卿詣夜明酒樽  
所取匏爵於坵執樽者舉冪太常卿酌盞齊謁者引太  
常卿進詣夜明神坐前北向跪奠爵興謁者引太常卿  
少退再拜謁者引太常卿少東當兩坐間北向立太祝

各以爵酌罍福酒合置一爵一太祝持爵進太常卿之  
右西向立太常卿再拜跪祭酒遂飲卒爵太祝進受爵  
復於坵太常卿興再拜謁者引太常卿降復位初太常  
卿獻將畢謁者引光祿卿詣罍洗盥手洗匏爵升酌盞齊  
終獻如亞獻之儀訖初亞獻升壇謁者二人引獻官詣  
罍洗盥手洗爵酌酒一獻帝伊耆氏一獻神農氏奠爵  
神坐前向神立太祝持版進神坐之右跪讀祝文訖興  
獻官再拜訖謁者引降本位初伊耆氏獻官將升謁者

五人各引獻官以次詣罍洗盥手洗爵詣酒樽所酌酒  
一獻歲星一獻熒惑一獻鎮星一獻太白一獻辰星各  
奠於神坐少退向神立於獻官奠訖三辰七宿皆祝史  
助奠相次俱畢太祝各持版進於神坐之右跪讀祝文  
訖興

凡讀祝文每一番獻酒從東方祝文為始  
讀訖次南方次西方次北方餘神亦同

獻官再

拜訖諸太祝各進奠版於神坐還樽所謁者遂引五星  
等獻官各詣罍洗盥手洗爵各詣酒樽所酌酒一獻東  
岳一獻南岳一獻中岳一獻西岳一獻北岳俱奠於神

坐少退向神立岳鎮海瀆山川林澤丘陵墳衍原隰井  
泉皆祝史助奠相次俱畢太祝持版進神坐之右跪讀  
祝文訖興獻官再拜訖太祝奠版於神坐還樽所謁者  
各引獻官還本位初岳鎮奠酒贊引五人各引獻官詣  
罍洗盥洗各詣酒樽所酌酒一獻勾芒氏一獻祝融氏  
一獻后土氏一獻蓐收氏一獻玄冥氏后稷田畯等各  
祝史助奠訖祝史持版進神坐之右跪讀祝文訖興與餘  
東方同惟獻官再拜訖祝史奠版於神坐贊引遂引五  
無后稷

官獻官等詣罍洗盥洗詣酒樽所酌酒分獻五靈其鱗羽羸毛介猶於菟坊水墉昆蟲等皆齋郎助奠相次俱畢祝史持版跪讀祝文訖興獻官拜訖奠版各引還本位武舞六成樂止舞獻俱畢上下諸祝各進徹豆還樽

所徹者籩豆各一少移於故處

奉禮曰賜胙贊者唱衆官再拜衆官

在位者皆再拜樂作一成止謁者進太尉之左白請就望燎位謁者引太尉就望燎位南向立於衆官將拜上下諸祝各執篚進神坐前取玉帛祝版齋郎以俎載牲

醴稷黍飯爵酒各由其陞降壇經懸內當柴壇南東行  
自南陞登壇以玉幣祝版饌物置於柴上戶內諸祝以  
星辰七宿以上之禮幣皆從燎神農氏伊耆氏岳鎮以  
下之祝俱詣瘞埴以玉幣饌物置於埴訖奉禮曰可燎東西  
面各六人以炬燎初唱可燎瘞埴東西廂各四人寘土火半  
柴謁者進太尉之左白禮畢遂引太尉出又贊引各引  
祀官以次出贊引引御史以下各復執事位立定奉禮  
曰再拜御史以下皆再拜贊引引出工人二舞以次出



其神農氏以下祝版燔於齋所大明夜明祝版御署伊  
耆以下獻官署 帝伊耆氏祝文曰維某年歲次月朔日  
子嗣開元神武皇帝某謹遣具位臣姓名敢昭告於帝伊  
耆氏惟帝體仁尚義崇本念功爰創嘉祀息農饗物今  
九土攸宜百穀豐稔備茲八蜡大旅四方謹以制幣犧  
齊粢盛庶品明薦於帝尚饗 帝神農氏祝文曰維某年  
歲次月朔日子嗣開元神武皇帝某謹遣具位臣姓名敢  
昭告於帝神農氏惟帝肇興播植粒此黎元今時和歲

稔神功是賴謹以制幣犧齊粢盛庶品明薦於帝尚饗

東方歲星祝文曰維某年歲次月朔日子嗣天子某謹

遣具位臣姓名敢昭告於東方歲星七宿惟神列位垂

象叶贊穹蒼昭晰羣生阜蕃庶類今時和歲稔恒禮是

率謹陳嘉薦庶神饗之

南方中央西方  
北方並准此

東方岳鎮海瀆

祝文曰維某年歲次月朔日子嗣天子某謹遣具位臣

姓名敢昭告於東方岳鎮海瀆惟神宣導坤儀興降雲

雨亭育庶品實賴滋液年穀順成用通大蜡謹薦嘉祀

溥被一方山林川澤丘陵墳衍原隰井泉庶神咸饗

南方

西方北方  
並准此

勾芒氏祝文曰維某年歲次月朔日子嗣開元

神武皇帝某謹遣具位臣姓名敢昭告於勾芒氏惟神

贊陽出滯發生品物萌者畢達仁德以宣用陳明薦神

其臨饗后稷氏祝文曰維某年歲次月朔日子嗣開元神

武皇帝某謹遣具位臣姓名敢昭告於后稷氏惟神誕

降嘉種播茲百穀烝庶以粒乂此萬邦爰及田畯實勸

農穡謹薦明祀庶神饗之祝融氏祝文曰維某年歲次

月朔日子嗣開元神武皇帝某謹遣具位臣姓名敢昭告  
於祝融氏惟神典司火正淳曜昭明式贊南訛厥功以  
致豐年之薦庶神臨饗 后土氏祝文曰維某年歲次月  
朔日子嗣開元神武皇帝某謹遣具位臣姓名敢昭告於  
后土氏惟神式贊黃道典司土正居中執信是興稼穡年  
穀既登庶饗嘉薦 蓐收氏祝文曰維某年歲次月朔  
日子嗣開元神武皇帝某謹遣具位臣姓名敢昭告於蓐  
收氏惟神典司金正式贊西成執矩懷莊尚義趨力豐

年之報饗茲嘉祀 玄冥氏祝文曰維某年歲次月朔日  
子嗣開元神武皇帝某謹遣具位臣姓名敢昭告於玄冥  
氏惟神典司水正贊序幽都厥務安寧積藏斯至豐年之  
祀庶饗明薦 蒼龍祝文曰維某年歲次月朔日子嗣  
天子某謹遣具位臣姓名敢昭告於蒼龍之神惟神體  
備幽明質兼小大實為鱗長贊時造物歲稔年豐實資  
弭患式陳嘉薦百靈是屬爰集東方鱗羽羸毛介衆族  
猫於菟坊水墉昆蟲諸神庶幾咸饗

其朱鳥騶虞玄武  
祝文首尾並與此

同麟祝文發  
首亦皆同此

朱鳥之神惟神肇自火精冠茲羽族輔時

宣化效仁蹈禮年和歲稔有賴厥功麟之神惟神體信  
為質惟和是歸作長毛宗表靈玉牒年穀豐稔實資宣  
助式陳嘉薦庶神臨饗騶虞之神惟神體信至仁稟靈  
金宿贊育生類實參利物爰茲報功用率恒祀玄武之  
神惟神誕稟辰精長茲介族先知稱貴誠行攸底伊此  
豐年有憑宜慶

大唐開元禮卷二十三

欽定四庫全書

大唐開元禮卷二十四

唐 蕭嵩等 撰

吉禮

皇帝春分朝日於東郊

齋戒

陳設

鑾駕出宮

奠玉帛

進熟

齋戒

前祀五日皇帝散齋三日致齋二日凡預祀之官散齋

三日致齋二日

散齋皆於正寢致齋一日於本司一日於祀所其無本司者皆於祀所近

侍之官應從升者及從祀羣官諸方客使各於本司及

公館清齋一宿

無本司者各於正寢

凡散齋理事如舊惟不弔喪

問疾不作樂不判署刑殺文書不行刑罰不預穢惡致

齋惟祀事得行其餘悉斷其祀官已齋而闕者通攝行

事光祿卿監取明水火

太官令取水於陰鑿取水於陽燧火以供饗水以注玄酒之尊

前祀一日諸衛令其屬未後一刻各以其方器服守衛



壝門與太樂工人俱清齋一宿

陳設

前祀三日尚舍直長施大次於外壝東門之內道北南向尚舍奉御鋪御坐衛尉設陳饌幔於內壝東門之外道南北向設文武侍臣次又設祀官及從祀羣官諸州使人蕃客等次太樂令設宮懸之樂於壇南內壝之外設歌鐘歌磬右校掃除壇之内外郊社令積柴於燎壇

其壇在神壇之左內壝之外

方八尺高一丈開上南出戶方三

尺前祀一日奉禮設御位及燎壇位祀官從祀羣官諸州使人蕃客等位於內壇之內皆如圓丘之儀設酒樽

之位太樽二著樽二山罍一在壇上於東南隅北向

尊皆置於

坵俱藉以席加勺

設御洗於壇南亞獻之洗又於東南俱

北向罍水在洗東篚在洗西南肆

篚實以巾爵

執樽罍篚纂者

各於樽罍篚纂之後設玉幣之篚於壇上樽坵之所脯後謁者引光祿卿詣厨視濯漑又謁者引諸祀官詣厨省饌具訖俱還齋所祀日未明十五刻太官令帥宰人以

鷹刀割牲祝史以豆取毛血置於饌所遂烹牲青牲一未

明五刻太史令郊社令升設大明神坐於壇上北方南

向席以藁結設神坐於坐首

鑾駕出宮如園丘之儀

奠玉帛

祀日未明三刻諸祀官各服其服郊社令良醞令各帥

其屬入實樽罍玉幣

凡尊之次太尊為上實以醴齊著尊次之實以盎齊罍尊實以清酒

其玄酒各實於上尊罍尊無玄酒禮神之玉以珪卣其幣以青

太官令帥進饌者實諸

邊豆簋簋入設於內壝東門之外饌幔內未明二刻奉

禮帥贊者先入就位贊引引御史太祝及令史與執樽

壘篚冪者入自東門當壇南重行北面西上

凡引導者每曲一逡

巡立定奉禮曰再拜贊者承傳

凡奉禮有詞贊者皆承傳

御史以下

皆再拜訖執樽者升自東陞立於樽所壇下執樽壘篚

冪者各就位贊引引御史太祝詣壇東陞升行掃除於

上令史祝史行掃除於下訖就位駕將至謁者贊引各

引祀官及從祀羣官諸國客使先至者俱就門外位駕

至大次門外迴輅南向將軍降立於輅右侍中進當鑾  
駕前跪奏稱侍中臣某言請降輅俛伏興還侍位皇帝降  
輅之大次通事舍人引文武五品以上從祀之官皆就  
門外位太樂令帥工人二舞次入就位文舞入陳於懸  
內武舞立於懸南道西謁者引司空入就位立定奉禮  
曰再拜司空再拜訖謁者引司空詣壇東陞升行掃除  
於上降行樂懸於下訖引出就位皇帝停大次半刻頃  
通事舍人分引從祀文武羣官介公鄴公諸國客使先

入就位太常博士引太常卿立於大次門外當門北向

侍中版奏外辦皇帝服玄冕出次華蓋侍衛如常儀侍中

負寶陪從如式博士引太常卿太常卿引皇帝凡太常卿前導皆博士先引

至內壝門外殿中監進大珪尚衣奉御又以鎮圭授殿中

監殿中監受進皇帝搢大圭執鎮圭華蓋仗衛停於門

外近侍者從入如常謁者引禮部尚書太常少卿陪從

如常皇帝至版位西向立每立定太常卿與博士退立於左謁者贊引

各引祀官次入就位立定太常卿前奏稱請再拜退復

位皇帝再拜奉禮曰衆官再拜衆官在位者皆再拜

其先

拜者不拜

太常卿前奏有司謹具請行事退復位協律郎跪

俛伏舉麾

凡取物皆跪俛伏而取以興莫物則莫訖俛伏而後興

鼓祝奏豫和之

樂乃以圜鍾之均文舞之舞樂舞六成偃麾戛敔樂止

凡樂皆協律郎舉麾工鼓祝而後作偃麾戛敔而後止也

太常卿前奏稱再拜退

復位皇帝再拜奉禮曰衆官再拜衆官在位者皆再拜

太祝取玉幣於篚立於樽所太常卿引皇帝太和之樂

作

皇帝每行皆作太和之樂

皇帝詣壇升自南陛侍中中書令以下

及左右侍衛量人從升

以下皆如之

皇帝升壇北向立樂止

太祝加玉於幣以授侍中侍中奉玉幣東向進皇帝搢

鎮圭受玉幣

每受物搢鎮圭奠訖執圭俛伏興

登歌作肅和之樂乃以

大呂之均太常卿引皇帝進北面跪奠於大明神坐俛

伏興太常卿引皇帝少退北向再拜訖登歌止太常卿

引皇帝樂作皇帝降自南陛還版位西向立樂止初

羣官拜訖祝史奉毛血之豆立於門外於登歌止祝史

奉毛血入升自南陛太祝迎取於壇上進奠於神坐前



太祝與祝史退立於樽所

進熟

皇帝既拜奠玉幣太官令出帥進饌者奉饌陳於內墻門外謁者引司徒出詣饌所司徒奉俎初皇帝既至位樂止太官令引饌入俎初入門雍和之樂作以黃鍾之均饌至陞樂止祝史進徹毛血之豆降自東陞以出饌升南陞太祝迎引於壇上設於神坐前

遵豆蓋罍先徹乃升簋簋既奠

却其蓋於下

設訖謁者引司徒以下降自東陞復位太祝還

樽所太常卿引皇帝詣罍洗樂作皇帝至罍洗樂止侍  
中跪取匱興沃水又侍中跪取盤興承水皇帝盥手黃門  
侍郎跪取巾於筐興進皇帝悅手訖黃門侍郎受巾奠  
於筐黃門侍郎又取匏爵於筐興進皇帝受爵侍中酌  
罍水又侍中奉盤皇帝洗爵黃門侍郎又授巾皆如初  
皇帝拭爵訖侍中奠盤匱黃門侍郎受巾奠於筐皆如  
初太常卿引皇帝樂作皇帝詣壇升自南陛樂止謁者  
引司徒升自東陛立於樽所齋郎奉俎從升立於司徒

之後太常卿引皇帝詣酒樽所執樽者舉罍侍中贊酌

醴齊訖壽和之樂作

皇帝每酌獻及飲福皆作壽和之樂

太常卿引皇帝

進大明神坐前北向跪奠爵俛伏興太常卿引皇帝少

退北向立樂止太祝持版進於神坐之右東面跪讀祝

文曰維某年歲次月朔日子嗣天子臣某敢昭告於大

明惟神宣布太陽照臨下土動植咸賴幽隱無遺時惟

仲春敬遵常禮謹以玉帛犧齊粢盛庶品祗祀於神尚

饗訖興皇帝再拜初讀祝文訖樂作太常卿進奠版於

神坐還樽所皇帝拜訖樂止太祝以爵酌上樽福酒授  
侍中侍中受爵西向進皇帝再拜受爵跪祭酒啐酒奠  
爵俛伏興太祝帥齋郎進俎太祝減神前胙肉加於俎  
太祝持俎以授司徒司徒奉俎西向進皇帝受以授左  
右謁者引司徒降復位皇帝跪取爵遂飲卒爵侍中進  
受爵以授太祝太祝受爵復於坵皇帝俛伏興再拜樂  
止太常卿引皇帝樂作皇帝降自南陛還版位西向立  
樂止文舞出鼓柷作舒和之樂出訖戛敔樂止武舞入

鼓祝作舒和之樂立定戛鼓樂止皇帝獻將畢謁者引  
太尉詣罍洗盥手洗匏爵訖謁者引太尉自東陞升壇  
詣著樽所執樽者舉罍太尉酌盞齊武舞作謁者引太  
尉進大明神坐前北向跪奠爵興謁者引太尉少退北  
向再拜訖太祝以爵酌罍福酒進太尉之右西向立太  
尉再拜受爵跪祭酒遂飲卒爵太祝進受爵復於坫太  
尉興再拜謁者引太尉降復位初太尉獻將畢謁者引  
光祿卿詣罍洗盥手洗匏爵升酌盞齊終獻如亞獻之儀

訖謁者引光祿卿降復位武舞六成樂止舞獻俱畢太

祝進徹豆還樽所

徹者籩豆各少移於故處

一奉禮曰賜胙賛者唱

衆官再拜衆官在位者皆再拜

已飲福受胙者不拜

豫和之樂作

太常卿前奏稱請再拜退復位皇帝再拜奉禮曰衆官

再拜衆官在位者皆再拜樂一成止太常卿前奏請就

望燎位太常卿引皇帝樂作皇帝就望燎位南向立樂

止於羣官將拜太祝執篚進神坐前跪取玉帛祝版齋

卽以俎載牲醴粢黍飯及爵酒興降自南陛南行經懸

內當柴壇南東行自陞南登柴壇以玉幣祝版饌物置於柴上戶內訖奉禮曰可燎東西面各四人以炬燎火半柴太常卿前奏禮畢太常卿引皇帝還大次樂作皇帝出內墻門殿中監前受鎮圭以授尚衣奉御殿中監又前受大圭華蓋侍衛如常儀皇帝入次樂止謁者贊引各引祀官及從祀羣官諸國客使以次出贊引引御史以下俱復執事位立定奉禮曰再拜御史以下皆再拜贊引引出工人二舞以次出

大唐開元禮卷二十四



欽定四庫全書

大唐開元禮卷二十五

唐 蕭嵩等 撰

吉禮

春分祀日於東郊有司攝事

齋戒

陳設

奠玉帛

進熟

齋戒

前祀五日諸預祀之官散齋三日致齋二日

散齋皆於正寢致齋

一日于本司一日于祀所  
其無本司者並於祀所

凡散齋理事如舊惟不弔喪

問疾不作樂不判署刑殺文書不行刑罰不預穢惡致

齋惟祀事得行其餘悉斷其祀官已齋而闕者通攝行

事光祿卿監取明水火

太官令取水于陰鑒取火于陽燧火以供爨水以實樽

前

祀一日諸衛令其屬未後一刻各以其方罷服守衛壝

門與太樂工人俱清齋一宿

陳設

前祀三日衛尉設祀官公卿以下次于東壝之外道南

北向西上陳饌慢于內壇東門之外道南北向太樂令  
設宮懸之樂于壇南內壇之內東方西方磬簾起北鐘  
簾次之南方北方磬簾起西鐘簾次之設十二鋪鐘于  
編懸之間各依神位樹雷鼓于北懸之內道之左右植  
建鼓于四隅置祝敔于懸內祝在左敔在右設歌鐘歌磬于壇  
上近南北向磬簾在西鐘簾在東其匏竹者立于壇下  
重行北向相對為首凡懸皆展而編之諸工人各位于懸後東  
方西方以北為上南方北方以西為上右校掃除壇之

內外郊社令積柴于燎壇

其壇于神壇之外左內壇之外

方八尺高一

丈開上南出户方三尺前祀一日奉禮設祀官公卿位于內壇東門之內道北執事位于道南每等異位俱重行西面以北為上設望燎位當柴壇之北南向設御史位于壇上正位于東南隅西向副位于西南隅東向令史各陪其後于壇下設奉禮位于樂懸東北贊者二人在南差退俱西向又設奉禮贊者位于燎壇東北西向北上設協律郎位于壇上南陛之西東向設太樂令

位於北懸之間當壇北向設祀官公卿以下門外位于

東壇之外道南每等異位重行北面西上設酒樽之位

太樽二著樽二山罍二在壇上于東南隅北向

尊皆置于  
坵加勺罍

設爵于  
尊下設洗手壇南陞東北向罍水在洗東篚在洗西

南肆

篚實以  
巾爵

執樽罍篚罍者各于樽罍篚罍之後設玉

幣之篚于壇上樽坵之所晡後謁者引光祿卿詣廚視

溉濯又謁者引諸祀官詣廚省饌具訖俱還齋所祀日

未明十刻太官令帥宰人以鷺刀割牲祝史以豆取毛

血置于饌所遂烹牲

青牲一

未明五刻太史令郊社令升

設大明神坐于壇上北方南向席以藁秸設神位于坐

首

奠玉帛

祀日未明三刻諸祀官各服其服郊社令良醢令各帥

其屬入實樽罍玉幣

凡尊之次太尊為上實以醴齊著尊次之實以盎齊罍尊實以清酒

其玄酒各實于上尊罍尊無玄酒禮神之玉以圭璧其幣以青

太官令帥進饌者實諸

邊豆簋簋入設于內壝東門之外饌幔內未明二刻奉

禮帥贊者先入就位贊引引御史博士太祝及令史祝  
史與執樽壘篚罍者入自東門當壇南重行北面西上

凡薦引者每  
曲一遂巡

立定奉禮曰再拜贊者承傳

凡奉禮有詞  
贊者皆承傳

御史以下皆再拜訖執樽者升自東陞立于樽所壇下  
執樽壘篚罍者各就位贊引引御史太祝詣壇東陞升  
行掃除于上令史祝史行掃除于下訖引降就位未明  
一刻太樂令帥工人二舞次入就位文舞入陳于懸內  
武舞立于懸南道西謁者引司空入就位立定奉禮曰

再拜司空再拜訖謁者引司空詣壇東陞升行掃除于  
上降行樂懸于下訖還本位初司空入謁者引祀官贊  
引引執事者俱就壝外位司空行掃除訖謁者贊引各  
引祀官以次入就位立定奉禮曰衆官再拜衆官在位  
者皆再拜

其先拜者不拜

謁者進太尉之左白有司謹具請行

事退復位協律郎跪俯伏舉麾

凡取物皆跪俛伏而取以興奠物則奠訖俛伏

而後興鼓祝奏豫和之樂乃以圜鐘之均文舞之舞樂舞

六成偃麾戛敔樂止

凡樂皆協律郎舉麾工鼓祝而後作偃麾戛敔而後止

奉禮



曰衆官再拜衆官在位者皆再拜太祝取玉幣于篚立  
于樽所謁者引太尉詣壇升自南陛北向立太祝加玉於  
幣東向授太尉太尉受玉幣登歌作肅和之樂乃以大  
呂之均謁者引太尉進北面跪奠于大明神坐俛伏興  
謁者引太尉少退北向再拜訖登歌止謁者引太尉降  
自南陛還本位衆官拜訖祝史奉毛血之豆立於門外  
於登歌止祝史奉毛血入升自南陛太祝迎取於壇上  
進奠于神坐太祝與祝史退立于樽所

進熟

太尉既升奠玉帛太官令出帥饌者奉饌陳于內墻門外謁者引司徒出詣饌所司徒奉俎太祝既奠毛血太官令引饌入俎初入門雍和之樂作

自後酌獻皆饌至奏雍和之樂

陞樂止祝史進徹毛血之豆降自東陞以出饌升南陞

太祝迎引于壇上設于神坐前

籩豆蓋畢先徹乃升籩簋既奠却其蓋于下

設訖謁者引司徒以下降自東陞復位太祝還樽所謁者引太尉詣罍洗盥手洗匏爵訖謁者引太尉升自南

陸詣酒樽所執樽者舉罍太尉酌醴齊訖樂作謁者引  
太尉進大明神坐前北向跪奠爵興謁者引太尉少退  
北向立樂止太祝持版進于神坐之右東面跪讀祝文  
曰維某年歲次月朔日子嗣天子臣某謹遣太尉封臣  
名敢昭告于大明惟神宣布太陽照臨下土動植咸賴  
幽隱無遺時惟仲春敬遵常禮謹以玉帛犧齊粢盛庶  
品祗祀于神尚饗訖興太尉再拜初讀祝文訖樂作太  
祝進奠版于神坐還樽所太尉拜訖樂止太祝以爵酌

疊福酒進太尉之右西向立太尉再拜受爵跪祭酒啐酒奠爵興太祝帥齋郎進俎太祝減神前胙肉加于俎太祝持俎授太尉太尉受以授齋郎太尉取爵遂飲卒爵太祝進受爵復于坫太尉興再拜謁者引太尉降復位文舞出鼓祝作舒和之樂出訖戛敔樂止武舞入鼓祝作舒和之樂立定戛敔樂止初太尉獻將畢謁者引太常卿詣罍洗盥手洗匏爵訖謁者引太常卿自東陞升壇詣著樽所執尊者舉罍太常卿酌盞齋武舞作謁

者引太常卿進大明神坐前北向跪奠爵興謁者引太  
常卿少退北向再拜訖太祝以爵酌罍福酒進太常卿  
之右西向立太常卿再拜受爵跪祭酒遂飲卒爵太祝  
進受爵復於坫太常卿興再拜謁者引太常卿降復位  
初太常卿獻將畢謁者引光祿卿詣罍洗盥手洗匏爵  
升酌盞終獻如亞獻之儀訖謁者引光祿卿降復位  
武舞六成樂止舞獻俱畢太祝進徹豆還樽所徹者遵  
豆各一  
少移于奉禮曰賜胙贊者唱衆官再拜衆官在位者皆  
故處

再拜

已飲福受胙者不拜

豫和之樂作奉禮曰衆官再拜衆官在

位者皆再拜樂一成止謁者進太尉之左白請就望燎

位謁者引太尉就望燎位南向立于衆官將拜太祝執

籩進神坐前跪取玉幣祝版齋郎以俎載牲醴稷黍飯

及爵酒降自南陛經懸南行當柴壇南東行自陞南登

柴壇以玉幣祝版饌物置于柴上戶內訖奉禮曰可燎

東西面各四人以炬燎火半柴謁者進太尉之左白禮

畢謁者引太尉出又謁者贊引各引祀官以次出贊引

引御史以下俱復執事位立定奉禮曰再拜御史以下  
皆再拜贊引引出工人二舞以次出

大唐開元禮卷二十五



欽定四庫全書

大唐開元禮卷二十六

唐 蕭嵩等 撰

吉禮

皇帝秋分夕月於西郊

齋戒

陳設

鑾駕出宮

奠玉帛

進熟

鑾駕還宮

齋戒

前祀五日皇帝散齋三日致齋二日凡預祀之官散齋

三日致齋二日

散齋皆于正寢致齋一日于本司一近  
日于祀所其無本司者皆于祀所

侍之官應從升者及從祀羣官諸方客使各于本司及

公館清齋一宿

無本司者  
各于正寢

凡散齋理事如舊惟不弔喪

問疾不作樂不判署刑殺文書不行刑罰不預穢惡致

齋惟祀事得行其餘悉斷其祀官已齋而闕者通攝行

事光祿卿監取明水火

太官令取水于陰鑿取火于  
陽燧火以供爨水以實尊前

祀一日諸衛令其屬未後一刻各以其方罷服守衛壝

門與太樂工人俱清齋一宿

陳設

前祀二日尚舍直長施大次于外壝東門之內道北南向  
尚舍奉御鋪御坐衛尉陳饌幔于內壝東門之外道南  
北向設文武侍臣次又設祀官及從祀羣官諸州使人  
蕃客等次太樂令設宮懸之樂于壇南內壝之內設歌  
鐘歌磬右校掃除壇之內外郊社令積柴于燎壇其壇于神  
壇之左內方八尺高一丈開上南出戶方三尺前祀一  
壝之外

日奉禮設御位及望燎位祀官從祀羣官諸州使人蕃客等位于內壝之內皆如園丘之儀設酒樽之位太樽

二著樽二山罍一在壇上于東南隅北向

尊皆置于北加勺罍設爵于尊

下設御洗于壇南陞東南亞獻之洗又設于東南俱北

向罍水在洗東篚在洗西南肆

篚實以中爵

執尊罍篚罍者

各于尊罍篚罍之後設玉幣之篚于壇上尊坫之所晡

後謁者引光祿卿詣厨視濯漑又謁者引諸祀官詣厨

省饌具訖還齋所祀日未明十五刻太官令帥宰人以鸞

刀割牲祝史以豆取毛血置于饌所遂烹牲一白牲未明  
五刻太史令郊社令升設夜明神坐于壇上北方南向  
席以藁秸設神位于坐首

鑾駕出宮如園丘之儀

奠玉帛

祀日未後二刻諸祀官各服其服郊社令良醞令各帥

其屬入實樽罍玉幣

凡尊之次太尊為上實以醴群尊次之實以盎齊罍尊實以清酒

其玄酒各實于上尊罍尊無玄酒禮神之玉以珪璧其幣以白

太官令帥進饌者實諸

籩豆簠簋入設于內壝東門之外饌幔內未後三刻奉

禮帥贊者先入就位贊引引御史太祝及令史祝史與

執樽罍篚冪者入自東門當壇南重行北面西上凡引導者

每曲一立定奉禮曰再拜贊者承傳凡奉禮有詞贊者皆承傳御史

以下皆再拜訖執樽者升自東陞立于樽所執罍洗篚

冪者各就位贊引引御史太祝詣壇東陞升行埽除于

上令史祝史行埽除于下訖就位駕將至謁者贊引各

引祀官及從祀群官諸國客使先至者俱就門外位駕

至大次門外迴輅南向將軍降立于輅右侍中進當鑾  
駕前跪奏稱侍中臣某言請降輅俛伏興還侍位皇帝  
降輅之大次謁者引文武五品以上從祀之官皆就門  
外位太樂令帥工人二舞次入就位文舞入陳于懸內  
武舞立于懸南道西謁者引司空入就位立定奉禮曰  
再拜司空再拜訖謁者引司空詣壇東陞升行埽除于  
上降行樂懸于下訖引出就位皇帝停大次半刻頃謁  
者贊引各引從祀文武羣官介公鄴公諸國客使先入

就位太常博士引太常卿立于大次門外當門北向侍

中版奏外辨皇帝服玄冕出次華蓋侍衛如常儀

侍中負寶

陪從博士引太常卿太常卿引皇帝

凡太常卿前導至皆博士前引

內壝門外殿中監進大珪尚衣奉御又以鎮珪授殿中

監殿中監受進皇帝搢大珪執鎮珪華蓋仗衛停于門

外近侍者從入如常謁者引禮部尚書太常少卿陪從

如常皇帝至版位西向立

每立定太常卿與博士退立于左

謁者贊引

各引祀官次入就位立定太常前奏請再拜退復位皇



帝再拜奉禮曰衆官再拜衆官在位者皆再拜

其先拜者不拜

太常卿前奏有司謹具請行事退復位協律郎跪俛伏

舉麾

凡取物者皆跪俛伏而取以興奠物則奠訖俛伏而後興

鼓祝奏豫和之樂

乃以圜鐘之均文舞之舞樂舞六成偃麾戛敔樂止

凡樂

皆協律郎舉麾工鼓祝而後作偃麾戛敔而後止

太常卿前奏請再拜退復位

皇帝再拜奉禮曰衆官再拜衆官在位者皆再拜太祝

取玉幣于篚立于樽所太常卿引皇帝太和之樂作

皇帝

每行皆作太和之樂

皇帝詣壇升自南陛侍中中書令以下及左

右侍衛量人從升以下皆皇帝升壇北向立樂止太祝

加玉于幣以授侍中侍中奉玉帛東向進皇帝搢鎮珪

受玉帛

每受物搢鎮珪奠訖執珪俛伏興

登歌作肅和之樂乃以大呂

之均太常卿引皇帝進北面跪奠于夜明神坐俛伏興

太常卿引皇帝少退北向再拜訖登歌止太常卿引皇

帝樂作皇帝降自南陛還版位西向立樂止初羣官拜

訖祝史奉毛血之豆立于門外于登歌止祝史奉毛血

入升自南陛太祝迎取于壇上進奠于神坐前太祝與

祝史退立于樽所

進熟

皇帝既升奠玉帛太官令出帥進饌者奉饌陳于內壝門外謁者引司徒出詣饌所司徒奉俎初皇帝既至版位樂止太官令引饌入俎初入門雍和之樂作饌至陛樂止祝史進徹毛血之豆降自東陛以出饌升南陛太祝迎引于壇上設于神坐前

籩豆蓋罍先徹乃升籩設籩既奠却其蓋于下

訖謁者引司徒以下降自東陛復位太祝還樽所太常

卿引皇帝詣盥洗樂作皇帝至盥洗樂止侍中跪取匱興沃水又侍中跪取盤興承水皇帝盥手黃門侍郎跪取巾于篚興進皇帝悅手訖黃門侍郎受巾跪奠于篚黃門侍郎又取匏爵于篚興進皇帝受爵侍中酌盥水又侍中奉盤皇帝洗爵黃門侍郎又授巾皆如初皇帝拭爵訖侍中奠盤匱黃門侍郎受巾奠于篚皆如常太常卿引皇帝樂作皇帝詣壇升自南陛樂止謁者引司徒升自東陛立于樽所齋郎奉俎從升立于司徒之後

太常卿引皇帝詣酒樽所執樽者舉冪侍中贊酌醴齊

訖壽和之樂作

皇帝每酌獻及飲福皆作壽和之樂

太常卿引皇帝進夜

明神坐前北向跪奠爵俛伏興太常卿引皇帝少退北向立樂止太祝持版進于神坐之右東面跪讀祝文曰維某年歲次月朔日子嗣天子臣某敢昭告于夜明惟神昭著懸象輝耀陰精班歷授時仰觀取則爰茲秋仲用率恒禮謹以玉帛犧齊粢盛庶品恭祀于神尚饗訖興皇帝再拜初讀祝文訖樂作太祝進奠版于神坐還

樽所皇帝拜訖樂止太祝以爵酌上樽福酒授侍中侍  
中受爵西向進皇帝再拜受爵跪祭酒啐酒奠爵俛伏  
興太祝帥齋郎進俎太祝減神前胙肉加于俎太祝持  
俎以授司徒司徒奉俎西向進皇帝受以授左右謁者  
引司徒降復位皇帝跪取爵遂飲卒爵侍中進受爵以  
授太祝太祝受爵復于坵皇帝俛伏興再拜太常卿引  
皇帝樂作皇帝降自南陛還版位西向立樂止文舞出  
鼓祝作舒和之樂出訖戛鼓樂止武舞入鼓祝作舒和

之樂立定戛鼓樂止皇帝獻將畢謁者引太尉詣罍洗  
盥手洗匏爵訖謁者引太尉自東陞升壇詣著樽所執  
樽者舉罍太尉酌盞齊武舞作謁者引太尉進夜明神座  
前北向跪奠爵興謁者引太尉少退北向再拜訖太祝  
以爵酌罍福酒進太尉之右西向立太尉再拜受爵跪  
祭酒遂飲卒爵太祝進受爵復于坫太尉興再拜謁者  
引太尉降復位初太尉獻將畢謁者引光祿卿詣罍洗  
盥手洗匏爵升酌盞齋終獻如亞獻之儀訖謁者引光

祿卿降復位武舞六成樂止舞獻俱畢太祝進徹豆還

搏所

徹者邊豆各一少移于故處

奉禮曰賜胙贊者唱衆官再拜衆

官在位者皆再拜

已飲福受胙者不拜

豫和之樂作太常卿前奏

稱請再拜退復位皇帝再拜奉禮曰衆官再拜衆官在

位者皆再拜樂一成止太常卿前奏請就望燎位太常

卿引皇帝樂作皇帝就望燎位南向立樂止于羣官將

拜太祝執籩進神坐前跪取玉帛祝版齋郎以俎載牲

體黍稷飯爵酒興降自南陞行經懸內當柴壇南東行



自南陞登柴壇以玉幣祝版饌物置于柴上戶內訖奉禮曰可燎東西面各四人以炬燎火半柴太常卿前奏禮畢太常卿引皇帝還大次樂作皇帝出內墻門殿中監前受鎮珪以授尚衣奉御殿中監又前受大珪華蓋侍衛如常儀皇帝入次樂止謁者贊引各引祀官及從祀羣官諸國客使以次出贊引引御史以下俱復執事位立定奉禮曰再拜御史以下皆再拜贊引引出工人二舞以次出

鑾駕還宮如園丘之儀

大唐開元禮卷二十六

欽定四庫全書

大唐開元禮卷二十七

唐 蕭嵩等 撰

吉禮

秋分祀月於西郊有司攝事

齋戒

陳設

奠玉帛

進熟

齋戒

前祀五日諸預祀之官散齋三日致齋二日

散齋皆于  
正寢致齋

一日于本司一日于祀所  
其無本司者並於祀所凡散齋理事如舊惟不吊喪

問疾不作樂不判署刑殺文書不行刑罰不預穢惡致

齋惟祀事得行其餘皆斷其祀官已齋而闕者通攝行

事諸祀官致齋之日給酒食及明衣各習禮於齋所光

祿卿監取明水火

太官令取水于陰鑒取火于陽燧火以供爨水以實尊

前祀一

日諸衛令其屬未後一刻各以其方器服守衛壝門

每門

二人每隅一人與太樂工人俱清齋一宿

陳設

前祀三日守宮設祀官公卿以下次於東壝之外道南北  
向以西為上設陳饌幔于內壝東門之外道南北向前  
祀二日太樂令設宮懸之樂于壇南內壝之內東方西  
方磬簾起北鐘簾次之南方北方磬簾起西鐘簾次之  
設十二罇鐘于編懸之間各依辰位樹雷鼓于北懸之  
內道之左右植建鼓于西隅置祝故于懸內祝在左設  
故在右  
歌鐘歌磬于壇上近南北向磬簾在西鐘簾在東其匏  
竹者立于壇下重行北向相對為首凡懸皆展  
而編之諸工

人各位于懸後東方西方以北為上右校埽除壇之內

外郊社令積柴于燎壇

其壇于神壇之左外壇之內

方八尺高一丈

開上南出戶方三尺前祀一日奉禮設祀官公卿位于

內壝東門之內道北執事位于道南每等異位俱重行

西向北上設御史位于壇外一位于東南西向一位于

西南東向令史各陪其後設奉禮位于樂懸東北贊者

二人在南差退俱西向設協律郎位于壇外南陛之西

東向設太樂令位于北懸之間設祀官公卿以下門外

位皆于東壝之外道南每等異位重行北面西上設酒樽之

位太樽二著樽二山罍一在壇上東南隅北向

樽皆置于坫加勺罍設爵于樽

下設洗于壇南陞東南北向罍水在洗東篚在洗西南肆

篚實

以巾執樽罍篚罍者各于樽罍篚罍之後設玉幣之篚

于壇上樽坫之所晡後謁者引光祿卿詣厨視濯漑贊

引引御史詣厨省饌具

光祿卿以下每事訖各還齋所

祀日未明十五刻

太官令帥宰人以鸞刀割牲祝史以豆取毛血置于饌

所遂烹牲

白牲一

未明五刻太史令郊社令各服其服升

設夜明神坐于壇上北方南向席以藁秸設神坐于坐首

奠玉帛

祀日未後三刻諸祀官各服其服郊社令良醞令各帥

其屬入實樽壘及玉幣

凡尊之次太尊為上實以醴齊著尊次之實以盎齊山壘為下

實以清酒齊皆加明水酒加玄酒各實于上尊祀神之玉以珪璧其幣以白長一丈八尺

太官令

帥進饌者實諸籩豆簋簠等皆設于饌幔內未後四刻

奉禮帥贊者先入就位贊引引御史博士太祝及令史祝史



與執樽罍篚幕者入自東門當壇南重行北面西上

凡引導者每曲

一遶

立定奉禮曰再拜贊者承傳

凡奉禮有詞贊者皆承傳

御史以下皆

再拜訖執樽者升自東陛立於樽所壇下執樽罍篚幕者各

就位贊引引御史太祝詣壇東陛上行埽除於上太史祝史

行埽除於下訖引降就位未後五刻太樂令帥工人二舞次

入就位文舞入陳於懸內武舞立於懸南道西

其升壇者皆脫履於下降納如

常謁者引司空入就位立定奉禮曰再拜司空再拜訖謁者

引司空詣壇東陛上行埽除於上降行樂懸於下訖引復位

初司空入謁者引祀官贊引引執事者俱就壝外位司空行

掃除訖謁者贊引各引祀官以次入就位立定奉禮曰衆官

再拜衆官在位者皆再拜

其先拜者不拜

謁者進太尉之右贊有司

謹具請行事退復位協律郎跪俛伏舉麾

凡取物者皆跪俛伏而取以興奠物

則奠訖俛伏而後興

鼓祝奏豫和之樂乃以圜鐘之均

自後壇下之樂皆奏圜鐘

文

舞之樂樂舞六成偃麾戛鼓樂止

凡樂皆協律郎舉麾工鼓祝而後作偃麾戛鼓而後止

奉禮曰衆官再拜衆官在位者皆再拜太祝取玉幣於篚立

於樽所謁者引太尉詣壇升自南陛北向立太祝以玉幣東向

授太尉太尉受玉幣登歌作肅和之樂乃以大呂之均  
謁者引太尉進北面跪奠于夜明神坐俛伏興謁者引  
太尉少退北向再拜訖登歌止謁者引太尉降自南陛  
還本位初衆官拜訖祝史奉毛血之豆立于門外于登  
歌止祝史奉毛血入升自南陛太祝迎取于壇上進奠  
于神坐前太祝與祝史退立于樽所

進熟

太尉既升奠玉帛太官令出帥進饌者奉饌陳于內壝

門外謁者引司徒出詣饌所司徒奉俎太祝既奠毛血  
太官令引饌入俎初入門雍和之樂作以黃鐘之均饌  
至陞樂止祝史進徹毛血之豆降自東陞以出饌升南  
陞太祝迎引于壇上設于神座前

籩豆蓋罍先徹乃升  
簋簠既奠却其蓋于

下設訖謁者引司徒以下降自東陞復位太祝還樽所  
謁者引太尉詣盥洗盥手洗匏爵訖謁者引太尉升自  
南陞詣酒樽所執樽者舉罍太尉酌醴齊訖樂作謁者  
引太尉進夜明神坐前北向跪奠爵興謁者引太尉少

退北向立樂止太祝持版進于神坐之右東面跪讀祝  
文曰維某年歲次月朔日子嗣天子臣某謹遣太尉臣  
封臣名敢昭告于夜明惟神昭著懸象輝耀陰精班歷授  
時仰觀取則爰茲秋仲用率恒禮謹以玉帛犧齊粢盛  
庶品祇祀于神尚饗訖興太尉再拜初讀祝文訖樂作  
太祝進奠版于神坐還樽所太尉拜訖樂止太祝以爵  
酌鬯福酒進太尉之右西向立太尉再拜受爵跪祭酒  
啐酒奠爵興太祝帥齋郎進俎太祝減神前胙肉

取前  
脚第

二加于俎太祝持俎西向授太尉太尉受以授齋郎太尉跪取爵遂飲卒爵太祝進受爵復于坫太尉興再拜謁者引太尉降復位文舞出鼓祝作舒和之樂出訖戛敵樂止武舞入鼓祝作舒和之樂立定戛敵樂止初太尉將復位謁者引太常卿詣盥洗盥手洗匏爵訖謁者引太常卿東陞升壇詣著樽所執樽者舉幕太常卿酌盞齊武舞作謁者引太常卿進夜明神坐前北向跪奠爵興謁者引太常卿少退北向再拜訖太祝以爵酌盞

福酒進太常卿之右西向立太常卿再拜受爵跪祭酒  
遂飲卒爵太祝進受爵復于坫太常卿興再拜謁者引  
太常卿降復位初太常卿獻將畢謁者引光祿卿詣壘  
洗盥手洗匏爵升酌盞齊終獻如亞獻之儀訖謁者引  
光祿卿降復位武舞止太祝進徹豆還樽所徹者還豆  
各一少移  
于故處奉禮曰賜胙贊者唱衆官再拜衆官在位者皆再  
拜樂一成止謁者進太尉之左白請就望燎位謁者引  
太尉就望燎位南向立于衆官將拜太祝執篚進取玉

幣祝版齋郎以俎載牲體稷黍飯爵酒降自南陛經懸  
內南行當柴壇南東行自南陛登柴壇以玉帛祝版饌  
物置于柴上戶內訖奉禮曰可燎東西兩面各四人以  
炬燎火半柴謁者進太尉之左白禮畢謁者引太尉出  
又謁者贊引各引祀官以次出贊引引御史太祝以下  
俱復執事位立定奉禮曰再拜御史以下皆再拜贊引  
引出工人二舞以次出

大唐開元禮卷二十七



欽定四庫全書

大唐開元禮卷二十八

唐 蕭嵩等 撰

吉禮

祀風師

祀雨師

祀靈星

祀司中司命司人司祿

立春後日祀風師

丑日

前祀三日諸預祀之官散齋二日致齋一日

散齋皆于正寢致齋于

一日于祀所

光祿卿監取明水火

太官令取水于陰鑒取火于陽燧火以供爨水以注

之尊玄酒散齋理事如舊惟不弔喪問疾不作樂不判署刑

殺文書不行刑罰不預穢惡致齋惟祀事得行其餘悉斷其祀官已齋而闕者通攝行事前祀一日晡後一刻諸衛令其屬各以其方器服守衛壝門俱清齋一宿衛尉設祀官次于東壝之外道南北向以西為上設陳饌幔于內壝東門之外道南北向郊社令積柴于燎壇其在神壇之外方五尺高五尺開上南出戶祀日未明三刻奉禮郎設祀官位于內壝東門之內道北執事位于

道南每等異位俱重行西向皆以北為上設望燎位當柴  
壇之北南向設御史位於壇上西南隅東向令史陪其後  
於壇下設奉禮位於祀官西南替者二人在南差退俱西  
向又設奉禮替者位於燎壇東北西面上設祀官門外  
位於東壝之外道南每等異位俱重行北向西上郊社令  
帥齋郎設酒樽於壇上東南隅象樽二置于坫北向西上設  
幣篚于樽坫之所設洗于壇南陸東南北向壘水在洗東  
篚在洗西南肆

篚實以  
巾爵

執樽壘篚幕者各于樽壘篚幕之

後太官令帥宰人以鸞刀割牲烹于廚祀日未明三刻太史令郊社令升設風師神坐于壇上近北南向席以莞設神位於坐首未明一刻諸祀官各服其服郊社令良醢令各帥其屬入實樽壘及幣

實以醢齋其玄酒實于上尊

太官令帥進饌

者實諸邊豆簋簋入設于內壝東門之外饌幔內奉禮帥贊者先入就位贊引引御史太祝及令史與執樽壘鼗者入當壇南北面以西為上立定奉禮曰再拜贊者承傳

凡奉禮有詞贊者皆承傳御史以下皆再拜執樽者升自東陞立于樽

所執樽罍篚冪者各就位贊引引御史太祝詣壇東陞升行埽除于上令史行埽除于下訖各引就位質明謁者引祀官贊引引執事者俱就門外位謁者贊引各引祀官以次入就位立定奉禮曰衆官再拜衆官在位者皆再拜謁者進獻官左白有司謹具請行事退復位太官令出帥進饌者陳于門外初太官令出太祝跪取幣于篚興立於樽所謁者引獻官升自南陛進當神坐前北向立太祝以幣東向進獻官受幣進北面跪奠于神坐俛伏興

少退北面再拜訖謁者引獻官降復位太官令引饌入

詣南陛升壇太祝迎引於壇上設於神坐前

籩豆蓋饌先徹乃升

簋簠既奠却其蓋于下

設訖太官令以下降復位太祝還樽所謁

者引獻官詣罍洗盥手洗爵訖謁者引獻官自南陛升

壇詣酒樽所執樽者舉罌獻官酌醑齊訖謁者引獻官

進神坐前北向跪奠爵俯伏興少退北向立太祝持版

進于神坐之右東面跪讀祝文曰維某年歲次月朔日

子嗣天子謹遣具位臣姓名敢昭告于風師含生開動

畢佇振發功施造物寶彰祀典謹以制幣犧齊粢盛  
庶品明薦于神尚饗訖興獻官再拜太祝進跪奠版  
於神坐還樽所獻官拜訖謁者引獻官立于南方北  
向太祝以爵酌福酒進獻官之右西向立獻官再拜  
受爵跪祭酒遂飲卒爵太祝進受爵復於坫獻官俛  
伏興太祝帥齋郎進俎太祝跪減神坐前胙肉加于  
俎興以俎西向進獻官受以授齋郎謁者引獻官降  
復位祝史進跪徹籩豆興還樽所

徹者籩豆各一  
少移於故處

奉禮

曰賜胙替者唱衆官再拜衆官在位者皆再拜

已飲福受

胙者不拜謁者進獻官之左白請就望燎位遂引獻官就

望燎位南向立太祝執萐跪取幣祝版齋郎以俎載

牲體稷黍飯爵酒興自南陞降壇南行當柴壇南東

行自南陞登柴壇以幣祝版饌物置柴上戶內訖奉

禮曰可燎東西面各二人以炬燎火半柴謁者進獻

官之左白禮畢遂引獻官出替引引執事者以次出

替引引御史以下俱復執事位立定奉禮曰再拜御史



以下皆再拜贊引引出

立夏後申日祀雨師有司行事

祝文曰百昌萬寶式仰膏潤謹遵典故用備常祀

其首尾與

風伯  
文同

立秋後辰日祀靈星有司行事

祝文曰九穀方成三時不害憑茲多祐介其農穡

立冬後亥日祀司中司命司人司祿於國城

西北有司行事

每坐象樽二於壇上東南隅北向皆有坫以西為上設  
司中司命司人司祿神坐於壇上近北南以西為上初  
獻司中祝文曰時屬安寧億兆康祐用率常禮報茲祉  
福次獻司命祝文曰賴茲正直黎庶康寧資此良辰用  
申恒禮次獻司人祝文曰星紀已周兆庶康阜備茲蠲  
吉式薦馨香次獻司祿祝文曰玄英紀時歲事云畢聿  
遵典故用修恒祀

其行事俱如  
風師之儀

大唐開元禮卷二十八